

p. 743 L. -6【斷惑者】空觀→假觀→中觀。空觀斷見思惑(四住地煩惱)，假觀破塵沙惑，中觀破無明惑。此為別教次第三觀破三惑。藏通三乘，不論及斷塵沙惑，故只用「從假入空」觀(析空、體空)斷見思惑。《四教儀註彙補輔宏記》卷8：「別教四門徧學。徧斷塵沙。故非不修空、中。而純用假觀攝者此也。」(X57,p.904c16-17)別教，七住以前，以空觀斷見思惑；八住以上，以假觀破塵沙惑；初地以中觀破無明惑，此為通論。實則如《法華經玄義》卷三(上)云：「十住正修空，傍修假、中。十行正修假，傍修中。十迴向始正修中。」(T33,p.709 c25-26)闡述次第三觀之相時，不可不分其所修之傍正。蓋於十住位正修空，乃為先破界內之著有，故修空觀非為取證，是為遠離我法二執；又為諸有情分別藥病，故亦傍修假觀；雖次第修空假，但因初心信中道，期望至果能破無明，故亦傍修中道。所以，次第三觀未必於三賢位各別單修。而天台宗將三觀分為「次第」與「不次第」二種，即是以別教「次第三觀」之隔歷不相融，彰顯圓教「不次第三觀」之圓融實相。～《中華佛教百科全書》《觀音玄義記》卷4：「藏通三乘及別住行，皆二觀攝，十向圓修，屬後中觀。…圓人，初心體於見思即是中道，正破無明，名拔根本。根本既動，枝葉先摧。觀障即德，名翻大地。既觀中道，二觀自成；三觀圓修，無惑不破，故得名普。」(T34,p.917c1-6)「圓人，初心體於見思即是中道」者，「初心」，始從「名字即」起，便是以圓教中道之理，體會見思惑等皆「即是中道實相」，故修「空假不二」之「中觀」，即是修「一心三觀」，正破「無明惑」，依此而斷三惑，故名「斷惑普」。

p. 743 L. -2【王三昧】三昧之王。全名「三昧王安立三昧」，又作「三昧王三昧」、「三昧王」。即三昧中之最勝者。首楞嚴定之異名。據《大智度論》卷七釋，謂王三昧於諸三昧中最第一自在，能緣無量諸法，一切三昧皆入於其中。又選《擇本願念佛集》以念佛為王三昧。～《佛光大辭典》《大品般若經》以佛所入之定為「三昧王三昧」。《大般涅槃經》卷13〈19 聖行品〉：「菩薩摩訶薩住無畏地(初地)，得二十五三昧，壞二十五有。(下列有二十五三昧名，略)…是名菩薩得二十五三昧，斷二十五有。善男子！如是二十五三昧，名諸三昧王。」(T12,p.690b3-24)《觀音玄義記》卷4：「《大經》明二十五王三昧，破二十五有，顯於我性。三昧者，此云調直定。而言王者，《妙玄》云「空假

2023/10/31

調直，不得為王。所以二乘入空、菩薩出假，不名法王；中道調直故得稱王。」(T34,p.917c12-16)「《大經》明二十五王三昧，破二十五有，顯真常我性。…觀音自行，已破諸有、惑業、過患，功德三昧皆已成就，正以慈悲令他破有。」(T34,p.920c15-19)調直定＝三昧，調心之暴，直心之曲，定心之散。《妙法蓮華經玄義》卷4：「又圓三三昧，圓破二十五有：即空故，破二十五惡業見思等；即假故，破二十五無知；即中故，破二十五無明。即一而三，即三而一。一空一切空，一假一切假，一中一切中，故名如來行。」(T33,p.725c11-15)圓三三昧；真諦三昧、俗諦三昧、中道王三昧。

p. 744 L. 2【羅漢見大千、初地見百界】《大智度論》卷5〈1 序品〉：「小阿羅漢小用心，見一千世界；大用心，見二千世界。大阿羅漢小用心，見二千世界；大用心，見三千大千世界。辟支佛亦爾。」(T25,p.98a25-28)《四教儀註彙補輔宏記》卷6：「小大言之。慧、俱並小。無疑乃名大阿羅漢。」(X57,p.839b9)良貴《仁王護國般若波羅蜜多經疏》卷2〈3 菩薩行品〉：「《華嚴經》云「此地菩薩若行精進，捨家妻子，出家學道，於一念頃得百三昧，以淨天眼見百佛國；二見百如來；三動百世界，身亦能往彼佛世界放大光明；四化為百類，普令他見；五成熟百類所化有情；六若欲留身，得百劫住；七見前後際百劫中事；八智見能入百法明門；九化作百億身；十身皆能現百菩薩眷屬。若以願力自在示現，過於是數，乃至百千億那由他劫不能數知。」」(T33,p.470c4-12)

p. 744 L. 3【徧緣十法界境】《觀音玄義記》卷4：「緣十法界等者，圓真天眼，具足五眼：見六道即肉、天二眼，見二乘即慧眼，見菩薩即法眼，見佛界即佛眼。若爾，與佛眼何別？答：《淨名疏》云：見十法界麤細之色，名真天眼。見三諦無二，名為佛眼。」(T34,pp.917c29-918a4)

p. 744 L. 5【道前、道後方便】【方便】：(一)善巧方便，佛菩薩應眾生之根機而施與化益者即是。(二)照現於平等「實智」之上的差別「權智」。(三)為證見真理而修的加行。～《中華佛教百科全書》《法華經文句輔正記》卷10〈釋普門品第二十五〉：「進行方便是道前方便，即以空假二觀也。地前所用，為入住方便，名修行中攝。」(X28,p.804c20-21)